

忠雅堂文集卷二十一

詩二十

鉛山 蔣士銓 心餘

述德詩爲甘淑人作

聖母開八秩錫類施 覃恩凡諸臣祖父封贈如厥官階三品
以上賜贈咸恪遵例所不及者輒允披瀝陳 朝廷廣孝治益
令風教淳爰有光山公秉臬三吳間捧 詔涕橫集拜手稽首
言臣父貳宗伯先世皆單傳父嘗七旬餘最嬰憂慟繁臣三兄
兩嫂以次歸九原惟臣長兄妻甘氏孀居存歷四載臣生四載
臣母漣又四載父歿恃嫂鞠育艱乃撫哭孤乃築粟壘墳乃
延師以教乃授室以婚臣至有今日非嫂家其淪嫂及見坊表
苦節三十春嫂已六載逝酬德念未申每思當時事臣心痛如
焚幸際

聖主慈敢縷述以聞願將夫婦封貤贈兄嫂身壬辰四月上楮
墨淹嗝痕六月 御救下得請如所云求忠必于孝此義關人
倫嫂恩且弗忘何況臣事君嗚呼光山公至性有本根請述先
世德予以明淵源宗伯稱宿儒讀易四十年學官官安陽蕭條
只青氈五十八登第同榜推齒尊三對 澹寧居
聖祖顧問殷始問河洛數次問諸儒先琅琅奏答語若指旋螺
紋遂入白虎觀簪筆侍從班是時馬鄭徒經筵各垂紳江陰與
安溪說易尤粹純

上坐乾清宮召煦來

帝前爾有循環圖並取義與文給札使畫之先天別方圓圖成
上稱善是真讀書人公退著兩書元祕賞討論服官二十載致
仕逾八旬凡其建白詞

上特嘉其醇莫齡舉曠子沈復遭塞屯惟天憫真備俾有家婦
賢使生爲丈夫奚被社稷臣手扶六尺孤一髮懸千鈞宗伯祀
於鄉節母香煙分默佑廉鎮公兼有清慎勤昌黎托邱嫂未獲
承皇宣嗟彼頡頏婦覲對封侯顏杏山峯崔嵬紫水波漪漣母
德同高深史筆摩厓鐫

除日喜吳菘圃至歲朝送其赴永康州任二首

開到梅花又見君三時消息感離羣話如春逗迎年鼓官似風
迴過嶺雲臘讐對嘗分歲飲香衾同憶蚤朝熏此身更比桃符
舊羞翦寒燈一論文

冰銜領到第三州風雪依然一敝裘重見邊人迎父母數勞蠻
長盼君侯天涯舊雨誰推轂身外浮雲合倚樓何日宦成歸井
里兩家茅屋傍花洲

畫竹歌爲方竹樓作

黑雨布陣風蕭蕭枝枝離紙葉葉搖手指出筍筆放梢弄影作
勢翻雲濤將飛未飛舞女袂欲折不折高人腰那須拔地借土
脈自可拂天稱鳳毛名花娟娟附弱植喬木悻悻誇後凋君子
之躬動亦靜咲他矜情亂氣相混淆心知此意畫乃得竹樓幾
年餐竹實不勞法古守宗門卻喜破空行腕力凡情乞去恐失
眞俗論贊來翻減色人家壁上生風篔畫者爲誰身姓方熱客
誤攜枕簟入觸垣顛顛遭傷我身久如受風竹曾伴伶倫游
嶰谷斷君墨篠我猶能吹作鳳凰聲六六

以梅榼屬咏梅榼酒器

花胎蝕土河車乾酒龍蟄地崩萬寬糟邱忽放霹靂手蛇蝎驚
起成觥船瘦藤枯癭相蟠壘長鯨吸川資利涉誰留碩果佐羹

涉卻領虛名作用楫鱗鱗碧澗含古香
與玉能迴凍骨僵飽樽亦可鬪皮相
桃核何取矜帆檣延陵居士開筵處
一朵寒雲掌中駐枝橫皦雪想陀顏
根傍醴泉知飲趨縣壺作筆號壺公
以醉名亭稱醉翁長鏡木柄可托命
梅檜梅娘母乃同萋萋炎炎酒人賦
比擬紛紛多謬誤不須羽扇劃江河
吳猛從今可杯渡

江孝子詩

右臂之肉不可療母左臂之肉不可療
父兒身親身親已亡血肉之軀亦何補
朝視母墳夕憑父棺茅堂淒淒臘日苦
寒藹藹出出妖鳥語風卷檐茅棺莫舉
孝子拜火火弗許飛廉揚揚祝融怒抽
刀斷指驚祝融神急止火神反風父棺
不動孝子死老翁叫孫孝子起翁欲告
人兒止止翁拾斷指裹以紙丹徒舍人
啟衾視右手垂垂缺小指兩臂創痕况
若此把筆傳之淚如水

江家五世居丹徒兒名延祚未讀書生年二十但知父與母不知肢體爲我有呼爲孝子兒不受倘以爲言兒卻走父曰懷德祖曰琦閭史書之存姓名事在壬辰十二月孝子不願朝廷旌

出郭三首

出郭游船泛夕暉滿湖燈火亂星歸北門鎖鑰三更下南部煙花十月稀錦豔芳筵隨季改酒家旗字隔年非官民仕女同酣醉那識將軍夜合圍

蝴蝶成圍燕子忙燕支如雪柳絲長黃金像戲秋胡子白璧人誇夜度娘織就簾紋遮舊蕾生來荷葉蓋鴛鴦濃陰不斷樓臺接還趁迴風轉曲房

情游求會寄閒身蔓引藤牽各有因江北喧闐惟此郡淮南繁

逸在斯民野多池館爭尋樂地有鶯花未覺貧聞道劉安掌天
厨他生願作守園人

讀始皇本紀四首

秦帝富貴人萬事不留餘苟能得長生神仙亦盡誅玉皇且岌
岌應奪紅雲居天界築長城三島眷屬俱風雨各怨涕生天寶
愁予十洲懼祖龍守禦憑鮫魚所以童男女不得通音書

醒與湘君儻夢與海神戰喜恐皆徑行始于燕忌憚纔脫博浪
椎復遇蘭池盜真人果長生卻爲山鬼咲刻石頌功德左右惟
佞臣兩生自亡去延禍四百人連弩射之累釋弓乃成病傷哉
橫暴軀但抵一魚命

生游阿房宮死游驪山墓行樂到魂魄膏燈照泉路旣欲求神
仙如何穿豹穴可知徐市言疑信原未決二世極嗜慾而日報

先帝承家苟如斯難矣千萬世

三代有治法始皇不一用事事矜創獲大力爲罄控黔首雖可
愚陳項肯從衆戰國尚功利流毒堪一慟所以鄒國儒獨言仁
義重

湖上看芍藥

尺五樓西散曉霞倚虹園內展繁葩錦雲貼地香成陣翠幄黏
天柳放衙芍藥此州原有譜蜻蛉同坐可爲家憐渠女織男耕
處插徧秧田看菜花

吳節母

三十五未亡人五十五完節身世德之家夫竟死十一齡兒作
孤子兒讀書母忍飢飢腸文字五千卷齋甘荼苦皆不知猶記
蘭閨并總時左圖右史娘所樂兒是男兒可無學祿命五行貌

五官不似娘身得天薄兒不能娶母熒熒神官夜半來夢中我
尔曾祖中書公帝嘉尔節尔可終母覺語兒舍笑逝成佛生天
皆有自母節當旌格于例兩氏姓名癯可誌生張嫁吳居丹陽
夫苑子俊登縣庠乾隆戊寅年未亡人乃亡

彭芸樞少詹同年畫秋花題扇相寄次韻奉酬五首

春雲入岫夏雲出難覓北風消暑圖秋花一一落懷裏惠風吹
慙幽栖孤芙蓉老死計亦得荷葉乾枯難轉側秋林豈必少芳
香蒲柳生來憔悴色

仙官持節駐海畔西園喬木成畫圖豈無賓從共棊酒未免文
史傷羈孤當時寒山友拾得同侍金仙香案側一臥滄江竟十
年筆花彫盡江淹色

誰吟林鳥受哺句自寫夕葵負米圖襟懷故自遠簿尉器量恐

未勝公孤漂泊江南歸不得鄉心夜夜駭湖側
蓼蟲習苦鳥號寒贏得家人無愧色

韓公病哦薦士什禹生樂畫彈冠圖故人厚意益相感知已舊
恩方且孤滿耳鷓鴣行不得避債臺邊眠反側會稽五十負薪
人終愧柴門好山色

街前各炫點金術堂中自張戲綵圖幽花數枝媚母壽被書千
卷圍身孤門外喧喧爭尖得俗塵敢近冰紈側江湖落後具歸
舟不向錢神乞顏色

焦山

海門屹立形端正不與江南亂峯競江隨禹力已朝宗山到漢
朝纔得姓焦先焦光非一人山隱者光也真中郎慨歎贊舊
德鶴書屢降龍難馴桓靈黨禍避亦得豈等中平白波賊生時

不肯見天子肯到祥符御牀即隱士住山亦偶然山與隱士因
共傳金盞比肩聳一柱松寥承足排兩竈天門地戶必有耦龕
山嶺山亦其友比似荆襄灑灑堆中流橫塞壘塘口當年汲水
三兩僧此時金碧開觚稜蠟燭照鹿苑互改易精舍十五峰房增
先生豈受封明應遯羽從來長名勝鍾山人已布移文何況終
南成捷徑

古鼎

文王伐西戎南仲城朔方宣王伐淮夷厥孫在戎行中興崇武
功整旅歲有常申伯封謝樊築齊方叔召虎同揚揚紀勳述德
賜彝器吉甫秉筆堂哉皇不須郊泗覓九鼎法物所昇臣家藏
嗚呼此鼎真贗難攷錄九十三字差可讀光明轉覺銅氣新斑
駁都無土花綠權門寶此亦太愚赫赫師尹天其誅巧偷豪奪

槩若是辨論嘖嘖煩迂儒唐宋之人目未覩嘉靖時方移淨土
釋文稱美覺辭費一鼎存亡何足數

瘞鶴銘

殘縑斷碣遺迹殊誰見古人捉筆書俗儒小慧逞博辨雀鼠聚
訟堪焚如幽人養鶴作妻子偕老巖阿同卧起帷蓋留埋犬馬
身何況胎禽嗒然死序之銘之泐斷崖波浪盪沈魚鱗指零行
歷字作寶貴會稽平原何有哉注疏流弊事考訂鼯鼠入角求
谿徑古人已死當闕疑牽附支離爭質證是王是顏惟爾稱暗
室何曾有一燈大哉

皇言諭乃定曰非晉人知不能

真州懷古二首

絕學交城冠北儒江南衝命歎羈孤鄙哉吳激非男子老矣王

倫是病夫漢史續成旄已脫館垣摧後幣難輸蕭樓柳墓何輕
重能有先生著作無

清邊堂上本無猜裂眦談兵數舉杯遠報王維州開活翻疑秦
檜賊中來乘桴海窟球難探揮刃虞淵日已墮三夕淹留乾淨
土怒潮空卷廟崔嵬

曉泛城河至水香園觀荷

一水通城貫壁池畫樓妝閣對參差穿橋篷矮知潮長拂帽花
斜覺岸欹荷氣冷憑風醒睡蟬聲清待露調飢添衣坐徧闌干
曲不借佳人雪滿絲

彭芝庭

啟豐

尙書戴笠像三首

溫公書局老隨身十幅紗帷隱葛巾藏過神仙衣一品學他儉
耳借經人

曾領霓裳第一天縣車歸作地行仙松筋鶴骨蓬萊像小佳人
閒八百年

底用煙蓑貌石湖未須野服畫廉夫從今吳下屏風上爭寫尚
書戴笠圖

韓烈婦

韓夢齡妾李斌女子歸十八死廿五妾有兒女隨夫亡淒風苦
雨吹妾房七年井白妾盡瘁不敢怨天惟自傷妾無所望生如
此春聲纔罷砧聲止確屋梁低跪自經生不能伸當屈死灘水
不流灘人哀孤山再築清陵臺香風忽引孤鸞駕去伴韓家二
秀才

夢齡行二

題靖儲厯疏後

鄭姑徵蘭帝心喜可惜不爲皇長子多男尚可待中宮半夜先

防出寸紙外廷紛紜觸忌諱妄引舊章稱古事嫡子何曾有姓
奴僞儒輒請誅如意春秋未高嗣未亡偪迫言多犯不祥仁宗
故自薄羣議武惠尚未傾三王揣摩文致爭激聒折檻批鱗太
迂闊九齡李泌似不倫包拯韓琦都未達自是宮闈驅黜妻衆
泣那換驪姬唬君王亦是都人子喋喋卓子先奚齊太倉論事
言多中密奏九重心屢動范鎮十疏誠可通寇準一言終見用
並封畢竟迴德音三悞難明耿耿心匣中名字蝕已盡地下壁
紐誰能尋主器分藩亦何有泰昌天啓寧長久妖書梃擊公已
亡慈母堯銷福祿酒

題丁人可寫像四首

行役三十年何處尋老屋風雪釀窮陰眠者睡方熟袁安亦何

爲夢裏聽杖

四首

萬卷檉飢腸浪言飽欲死可惜裂石聲吹入吳人耳世無田先
生英雄可歸矣吹簫

天地入虛舟布帆且無恙風波自順逆來處各有向虔州好江

山老矣釣春漲歸帆

有田然後歸漂泊何所止讓我成疲牛十載鞭不起犁鋤老難
勝抱犢尙能耳犁雨

梅花二首

節序黯無色此花開獨妍流芳當歲暮得氣在春先雪豈能爲
力香原出自然橫斜堪一咲何補朔風天
松竹若相友江山寒有情孤高雖遠俗晚遠究何成不死根長
屈無花性亦貞請看生葉後還有子調羹

喜晤張錦邨

紹興

明府題其投橋仙夢圖九首

我樓空園南君室空園北隔牆讀書聲盛年始相識是時君仲
兄甫通詞苑籍見我諸生中握手好顏色誰知廿載後兒女因
緣得君兄藏虛舟而我垂薄翼人生如浮雲感歎畏思憶

君昔游京都刀圭偶一試本非懸壺人其心有生意王侯競推
轂救死直易易馳來羽林郎

帝命須立致挾之跨銀鞍如鳥飛一騎使診後官人兩豎果逃
避

太官給厨饌黃門司起居離宮有別館 詔爲君埽除 御輦
穿花到謁拜常迎趨

至尊問方藥應對承都俞六官罷呻吟薦引相拂嘘縣令能活
人醫院嗟向隅

皇系病未起粵東汝勿去 諭部停其銓朝右說奇遇久之使

就官棧道亦此駸煌煌出都門光彩燦衢路王侯大將軍宰相
皆垂顧後官所賞賚篋笥成滿貯政術猶未施生者已無數
治蜀有古方文翁亦盧扁稍稍出吏才上下皆稱善七年歷數
官所歷春陽轉制府每前席人晦君獨顯太守有忌心彈劾不
能免返觀聃膏肓厥病在疎淺

留者豈不殷去者心自促還家學養生飄舉若黃鵠山川盪胸
臆千古一歌哭北邙纍纍墳骨朽寧須速淵哉青鳥言至理堪
誦鞠天地積氣耳自然有停蓄死氣接生機安吉良可卜佳藥
延壽年美地繁世族放眼看扶輿君子乃多福

韓劉居千人不免鍾室累羊家節三公何以折左臂可憐無德
人不幸到富貴此理本天定其權乃由地疑信徒紛紛術士各
自利君能究幾微有譽必有試指點虛無中誰能立同異

偶游明聖湖銷夏段橋側忽夢犁翁公爲爾開所惑御風行消
搖俯瞰一塵積大千如碁局界豔有橫直若者妙合凝若者胎
養息虛實真僞間豪釐分白黑君心頓了了願就弟子職曉鐘
飛南屏欲見不可得

古鏡爲君心明月作君眼醒聞蓮花香柳幔舒還卷其術益神
悟相泉而陟巘山川雖無語一一能分辨與君同井里歸老吾
其勉相離一牛鳴發興頗不淺爲我覓首邱荷鍤藉自遣

賦得春艸閒房爲仙沂作

野燒應難到空庭綠意多幫腰斜未及袍色淺如何軟喜擣茵
坐深嫌曳履過密堪藏蟻穴疏欲露蛇窠院靜疑封蘚人來唱
踏莎生機當戶滿春氣上階和小住安簾幔他時憶磻阿莫將

爲仙沂題錢官詹先生畫白蓮小幅

楷法寫枝幹行艸寫花葉作畫如作字吾師白陽接忽聞素蓮
香如見影搖月翠蓋擁瓊英微微開笑靨秀才工篆隸用筆亦
奇絕得畫喜欲顛抱萬作舟楫君勿作畫看只當嗅古帖

康山宴集酬鶴亭主人並邀邊都轉齋峯袁觀察春圃

陳太守體齋家舍人春農江大令階平同作三首

腰鼓琵琶駐此閒借他明月照醪顏城低不碍登高眼亭迴全
收隔邗山舊宰官身留十笏小秦王曲付雙鬟就中鴻爪分明
在雪磴嵐梯好細攀

當時吾自愛吾廬異代還教庾信居勝地原憑人管領宦情須
藉酒銷除放來青眼高于頂開遍黃花澹似予主客圖中老兄
弟慈恩宴後又聯裾

更煩絃管一吹將海鏡初升到州堂供養雲烟如有待擔持泉
石豈尋常衣冠入畫今猶昔王謝爭墩兩不忘重立淮南耆舊
社萬錢眞箇買滄浪

五更

村雞膈膊曉星移殘夢初迴各自知岸上騾綱江上槩最消魂
是五更時

濁酒

楓葉嬌如紅紛面蘆花衰似白頭人一杯濁酒秋江上消遣浮
生物外身

臥舊宅東齋感成

十年老屋九年封又聽雞鳴寺裏鐘五度還家身似客一鐙縣
壁劔如龍州深靜院梅孤偃泥落空梁燕絕踪惆悵洪州買新

宋倫閒來寫北山容

鳳凰臺獨眺

山死空排龍虎勢
臺高不見鳳凰栖
六朝虛逐中原鹿
十廟猶鳴半夜雞
湖背邗連埋衛霍
城南孤竹祀夷齊
天花落盡星如雨
雨人是盡沙馬是泥

河琴

北里笙歌鬧未闌
西隣蝴蝶戲成團
三更舊院籠鐙按
雙槩何人別淚乾
荀令解衣香入坐
優施連袂酒登壇
可憐花月無今古
不許都官醒後看

王文成驛丞署尾視歌

自序

東坡題墨妙亭詩斷碑一片存
十二字凡四行行三字曰鐙他
年曰憶賀監曰時須伏曰孫華老
高廣各三寸長四寸文成謫

龍場時得之遂以背面作硯左刻守仁二楷字右刻篆書陽明
山人四字側刻分書驛丞署尾硯五字墨光黝然可寶也流傳
二百年入大司空襄公手公繪圖索朝貴福題之癸巳仲冬公
圍至揚州予迎哭之公子行簡孫元復出硯圖相示曰公生時
以不得君詩爲憾時方爲公撰墓銘乃濡牘墨作歌嗚呼一斷
石耳得兩公知己以傳而況於人乎痛何如也

書者蘇文忠銘者王文成寶者襄文達片石同連城殘甃斷碣
雜瓦礫真硯不損真手擎我游墨妙亭壞墻無一碑誌載元人
守湖州粗砂大石皆磨治坡公遺跡定同碎購員斷缺藏者誰
龍場驛丞偶拾得破案取以陪松滋當年響搨印萬本墨氣透
骨香沁肌以背作面面作底題名署尾煩鐫錐兩公言事得貶
請筆硯陪禍當焚之司空文字潤鴻業不與往哲同嗟咨爲圖

索贊重手澤若觀三老持相遺後來視今猶視昔尋翁吟寫真
前知朝貴題詩公念我轉眼電光敲石火哭公斷岸感風鏗入
芻蘭亭猶未裏公有兒孫守硯田喚我續寫谿藤邊先生默待
補亡句弟子泣賦招魂篇我聞敬宗遺硯杜家寶許換東坡墓
銘稿姦臣遺臭石可碎唇鋒銳絕孫莘老此硯流芳自兩賢藏
器更以尙書傳吳興太守苟及見重向亭中嵌一斑

瓜洲見鷓鴣

盡日銜魚却忍飢萬鱗爭避怨鷓鴣扁舟宿食恩難報那計潭
空力盡時

聽射示兒輩

老夫百事拋除罷不能射虎南山下臥聽兒曹鳴鏑聲尙有雄
心暗傾寫我聞昔人教子求公卿琵琶學唱鮮卑聲不如勝後

弓弦俄鳴叫負弩殺賊嫖姚營昇平文士習詞賦才略經猷皆
末務寒門仕宦計米鹽乳臭簪纓炫純袴拳曲難求有用材蠶
魚雖飽亦堪哀汝曹既識一丁字兩石之弓奮力開

鮑節母詩

鮑文淵歛縣民繼妻吳吳郡人廿二嫁廿九寡六十請旌朝
命下迴念平生淚盈把幼失母孝於耶事舅姑空室家閔損王
祥不飢不寒不知繼母承母歡兒衣兒食母艱難兒讀書母灌
蔬兒焚膏母辟蠶十指之血縷縷積夫柩得返孤不孤先贖百
畝田後表九世墓夫伯父母棺已頽妾在忍令棺暴露葬之先
壟傍尊嫜九原骨聚松楸長賢哉節母生何鄉嘉定之鎮名南
翔

寄懷林氏四女秀中三十韻

詎拜長安月迴思正九齡漸堆雲鬢滿學畫黛眉青薊北歸來
共江南聚散經爲憐珠別掌無復絮依庭彩鳳秦招壻黃姑漢
渡星期當花灼灼身已玉亭亭傍母同鳧鳴依兒比鶴鶴尊嫜
豈道遞夫子竟伶俜執篋人堪數躬桑事可型蘋蘩艱負荷書
劍肯飄零賢守開東閣神童實寧馨養蒙資汲綆習羽借梳翎
閉世車垂幕呖唔水瀉餅工夫商舊學大雅發新礪步履煩過
從書牀歷晦冥樓中勞望遠陌上罷歸學子舍分鴻廡兒家媿
雀屏藥碯詩自詠楊柳曲誰聽嬌女方號乳寒銓欲閃螢燕飛
風乙乙蓮轉漏丁丁繡以觀書廢鍼因韻史停高懷若蕤桂俠
氣隱雷霆壺擊釵頻折棊闌酒乍醒偶然擅翠製舍咲看青萍
義烈籠今古清蒙托性靈嗟予非鹿豕憶汝感螻蚋水隔如衣
帶心插擬索鈴去猶羈病馬來竟柅飛駟待埽焚香室重開戲

綵廳相期整瓊珮吹下玉瓏玲

題費處士密遺像

上書無益起義兵壯士自結飛來營高定關中十萬戶賊不敢
犯人長生司命三軍費孝子剪髮辭官父歸里攜兒避亂陷囚
蠻黃金竟贖全家死楊展鎮蜀真英雄孝子入幕參元戎青神
江底沈賊鏑誰賊之鏑張獻忠得賊資糧卽拒賊雅州屯田孝
子力募僚纔辟杜樊川叛將陰戕張益德六郎奮起報讐軍孝
子獨救花溪民展轉兵戈逐亡命故鄉焚掠無荆榛折節治經
三十八換盡滄桑逃劫殺支筇五嶽不談兵倚馬千言看給札
著書等身百廿卷 詔舉鴻儒力辭免幾度題詩壓謝陶平生
賣藥師盧扁心喜揚州好墓田老來栖息大江邊姓名已入遺
民錄著作分藏石室編深衣幅巾寫遺像獨立蒼茫空倚傍那

須靜坐習枯禪可惜儒冠老名將昇平埋骨野田邨七十老翁
流寓身誰為亂世文中子翁是成都跛道人

天長江烈女歌

泗水鳴咽流中有烈女魂死立泗水中白蓮香氤氳烈女父江
錫純烈女夫羅維藩夫遽天女未婚雍正改元歲天長萬戶同
見聞父家夫家無可恃女生守貞不如死旌表愆期烈女喜并
并清芬在閭史天長之人不敢忘乾隆癸巳請建坊嗚呼士未
食祿可從賊引經翻咲江家息

羅兩峯 聘畫鬼趣圖八幅題者殆徧無分詠者乃各賦

一葦不切為陳言庶幾免夫八首

三尺之身二尺肚一臂一脚相爾汝醜醜索索來周旋儂是半
人君是蠱祿山捧腹華元奔奇肱國主柔利民九原邂逅各有

真生時滿腹藏經綸由來獨步誇絕塵覬耶黠耶皆游魂嗚呼
一手一足之烈豈如此爲人不全且爲鬼防他咲出腹中刀相
逢莫罵彭亨豕

王家僮約太煩苦鬼奴嚙嚙隨鬼主主人衣冠偉且都如何用
此尪羸軀但有筋肋無肌膚無衣無袴僅有襤破帽籠頭纓曼
胡徐行掉臂學腐儒吁嗟乎餓鬼啾啾鬼窟不及豪家廝養
卒但能倚勢得紙錢鼻涕何妨長一尺

色界塵緣不能了陰風吹妾紅顏好感君魂魄尙相親姪室從
容可借老誰其送者白衣冠無常使者搖素紉鬢邊花氣吹幽
蘭使者嗅之心喜歡火城銅柱吞鐵丸愛河腥穢揚波瀾此語
可怖蛾眉攢使者則曰否若果禍爾吾肯鰥君不見南山進士
且嫁妹河伯娶婦鬼擇配男勿避婁豬女勿羞金夫地獄雖多

有若無

侏儒飽死肥而俗身是行屍魂走肉拄杖支持二尺長形狀輪
困嗟躑躅紅衫小兒咲盧胡世間有此小丈夫焦僥之人可作
腊海鷗欲下吞螻蛄短鬼曰嘻噫不可陞楯諸君不如我君不
見郭璞贊蔡邕賦陸侯生時智過軀故鬼能令公喜怒

龍伯舉足跨數峯夜叉食人如斷葱焦山有鬼長十丈每借颶
母吹防風綠衣新裹儒如骨脚插寒江漚難沒枝葉作手樹作
身翠篠鬚鬢作毛髮齒排利劍口血噴半夜俯瞰空王門書生
喝鬼鬼倒退碧雲閃出青天痕芭蕉堅固可成佛柳汁染衣是
何物迴看山根古鶴魂道士縞衣來步月

長頭似背老復醜形容疑是承蜩叟劉元進開二尺臂陸判官
伸五斤手兩鬼相逢正相詫小兒見慣夫何有不能取戈印不

當孽一丈箋枝葉庶能遠得雖敢望蜀此約他日踐已儲酒白
升待君作花宴惠風幾時來一花酬一瓊

沈節母詩

生不見親嫁不見姑新婦二十而有夫夫亡有父翁死無孫新
婦弔影何以存夫有諸父老不仕眷此節婦熒熒身傷哉病叟
奄忽死單門只有四齡子千鈞一髮賴有此節婦撫之延厥祀
嗚呼天地豈不仁節婦難受恩牆壁豈不固倚之傾且仆五十
二年攢刃心淚比胥江深復深笙鶴來迎婦一咲小叔冠矣家
能任君不見三吳廉使胡季堂泣請封嫂言皇皇州民有此
孝節婦廉使采風當入奏噫吁嘻沈素存妻陸氏貞何異光山
甘淑人

新樂府四章爲李晴山

道南

進士母胡氏作

玉山堂

光祿簿李中葦宅江都屋潭潭繼妻金壇胡生子曰雷曰道南
任家督聽兒子家日落光祿死兒子耽耽欲賣宅寡婦孤兒何
所適攜兒出門天茫茫故居已改玉山堂兒子轉眼稱富商孤
者自孤孀自孀

編蘆屋

攜兩子編蘆栖負薪出汲忍蓬垢可憐亦是官人妻
螞蝓設立蜂房界畫五尺地爲兒作書室穢潦所趨灌門闕魚游破釜還
登牀惡臭不敵經傳香咲聽兒讀聲琅琅

碎兩印

炊煙滅母忍飢市餅一二枚哺我估畢兒餅直無所出何以謝
餅師兩私印先人遺明水晶玉蟠螭鬻于市償庶幾婦取印墮

地碎婦含悲母弗罪賣印乞憐非我情絕兒妄念父有靈餅師
聞語折餅券郎君他日作名士勿爲畫餅實我願

飯廣文

瓦餅糧盡竈不溫廣文先生來論文粗糲共飯意亦得賢母不
必謀雞豚兒唯唯飢腸嗚呷呷麥飯香裊裊炊煙生廣文果腹
長揖去兒跪叩母飯來處母指蘆牆穴已穿解衣從此出質錢
但願門多長者轍母凍母飢心自悅

乞羅兩峯畫屏

書學書家書畫學畫家畫東縛規矩中所守亦已隘兩峯欹崎
人資稟軼流輩展足裂地維放手破天械碧眼然溫犀萬鬼失
狡獪神光掣瞳人下透轉輪界豈但胡中丞坐照入幽昧游戲
弄茶律竒趣生象外細審乃逼真驟覽疑涉怪威攝天神裴媯

黃水仙佩龍受金剛降鶴下老佛拜誰爲羅漢參各凜菩薩戒
花殊含玉葩樹古發新態或貌地獄相面目來瑣碎陰風聚豪
端死氣出紙背人理彼旣絕厲魄君弗貸不知布算勞但覺運
斤快藝苑撒畦町墨林除障礙昔師冬心叟弟子存法派老蓮
寫人物奇古爲俊邁艸法寫衣裳楷法寫眉黛魯文貌豐下齊
桓癖好內而君所嗜殊高逸頗相類我每見君作有見無不愛
如玩索靖碑寢食俱可廢乞君繪屏風求益同買菜欲寶君子
貽長與古人對君勿嫌幅多真手僵不壞

立春日得香樹座主書奉和天津蚤春詞韻三首

夜衾不寐身覆翻遠意騁若亨魚煩聞公小示方丈疾廢句尚
如岐蒼軒公年九十紺瞳朗氣海暖過砂泉溫道腴書液默九
轉不藉食杞青城邨瓊宮靈篆五帝授玉女侍衛和其魂病至

輕雲抹皎月好風吹去如留痕得書距踊慶康復華池已漱津
潺湲春迴臉頰發醇醴採藥罷向神農原

王師壓蜀熱餅翻捷書屢報誅樓煩山中宰相拜章賀廟算克
敵同羲軒雪山雖寒火牛烈勁旅挾纊冬曦温老臣額手連理
杖學究鼓掌三家邨可憐辭賦喪雙手話彼艸檄驅游魂四十
九年肯窮死鬢絲略點輕霜痕今朝頭上插幡勝壽觴咲捧波
浚浚黃羊送竈醉司命我貧尙未如顏原

參政欣看紅藥翻章疏列案批荅煩臣家三世綰紫綬鶴禁鶴
老方乘軒門材長養到合抱達賢豈但羅岑温受知我兩藝香
辦醜女亦出昭君邨雖然蹇足負鞭策夜夢不慙魄與魂南風
吹筍未成竹枝葉已滿冰霜痕新年竊欲立春雪看公墨浪傾
潺湲方輪不轉驗道力願公示我無窮原

劉景韓火繡畫歌

鼠須狸尾稱毛錐水彰五色作繪資畫家神妙藉渲染劉翁大
笑皆棄之火然綾香香作筆香一著綾口一吹風水相泊綾不
知人物花鳥鐘鼎彝山水林石屋宇籬古有畫者無其師當其
得意心手隨若蟲食葉蠶吐絲物本乎土生生滋火爲土母香
主持淺深濃淡雜笑嘻火絨火擦如調脂翁技微渺通希夷名
曰火繡天工移昔繡屏風 御榻支藝苑嘖嘖誇新奇翁今九
十拈霜髭談笑果却千熊鬚光燄在手識者誰黃荃年少冠玉
姿貯翁別墅針引磁詩隨畫盞開酒卮世有丹青空爾爲亦如
湯家鐵畫顧氏繡意匠創獲難旁窺翁寫壽星爲我貽願翁如
是容期頤辦香所及大巧垂指輪火發珊瑚枝

忠雅堂文集卷二十二

詩二十三

鉛山 蔣士銓 心餘

題玉石谷畫冊十二首

甲午

柴桑手植柳陰成未許漁郎識姓名不與秦人書甲子桃花年
命自長生

亂泉聲裏白雲間步履何時到此間記得觀音門外路兩邊樓
閣靠青山

銷夏灣頭日乍長曾看翠蓋擁紅妝不知誰伴鴛鴦宿生受南
窗枕簟涼

孤亭危坐意蕭然千尺松濤響亂泉可惜隆中卧龍子肯將丞
相換神仙

不寫晴山寫雨山似呵明鏡照煙鬟人間萬象俱黏好風馬雲

車便往還

界畫坡陀練一條那須芳艸上褰腰如何絕妙秋林外不見谿翁挂酒瓢

人影蕭蕭竹影寒悠然杖履共平安澄溪見底游魚避不用臨淵斬釣竿

棧道中縣旅客身山蹲虎豹水翻輪可憐行路難如此猶有攀蘿附葛人

一桁闌干枕漱文疎櫺瀟瀟下斜暎主人身是忘機叟鳥自尋枝鳴白翠

水出山肩處處同幽人茅屋湖西東憐他紫閣丹墀客夢裏冰銜收放翁

蘆花頭白樹顏酡秋到江湖水不波怕看雲霄鴻雁影當時兒

弟已無多

五十功名咲荷薪皮皴肉外走嶙峋北風卷雪關門坐還讓然
糠挂網人

白將軍

雲上

歌題榕門相國尺牘後

白將軍身長七尺如玉山二十登甲科宿衛天闈開入隨羽林
郎出翦雪案鏗有用之書恣意讀不止六韜三略填其膺江南
古有太湖賊以船爲家水爲國殺人劫財爲耕種岸上官多拏
不得白將軍領水師收獲入賊賊不知遇賊卽殺無孑遺聚賊
之船焚賊尸籠鼉蛟蜃遁入海太湖萬頃開玻璃估人舡睡無
人窺城鄉賊竄不敢遲營門高曳白字旗萬民朔望來拜之試
看嘉湖常鎮鼠竊掉尾去不但吳中夜敞閭闔扉桂林撫軍當
此時手書尺牘褒美詞賢哉將軍好男兒上書戒氣矜下書勿

矯激秉公持正平其情守此官箴不可失將軍寶之如尺璧從此宣威多隱德去吳江來揚州揚州人喜吳人愁奪我父母不可留淚滴別酒同江流將軍大開揚州營兩城安肅四野清忠信感被萬室寧百姓願作將軍兵揚州旱火四起揚州潦薪斷市屋燬數家愁薪斷萬家餒將軍救火向火飛騎屋似奪火馬馳手挽天河水淋漓火雅火鴿絕奔火神迴避白將軍將軍救餒如救焚鞭撻瓜船移積薪薪船帶雨不敢停銜尾紛紛來郡城炊煙萬縷柴價平添竈鼓腹民長生婦孺愛說將軍名文官無此得民情刁斗不驚一郡樂忽報淮陰盜烽灼公然劫官斬關鑰兵吏束手誰敢攪有急則倚白將軍將軍疋馬從天躍穿幽涉險運機變散金如土買盜線萬難千苦竟得之猶有讒夫沒其善將軍辦盜乃辦公豈與庸人攘厥功分功諉過總不

計入觀

天子嘉其雄將軍平生一知己手迹雖存相公歿買絲繡此十
行書蒼茫清淚如鉛水

豐生

天彭

畫耄耄圖贈百泉屬題戲作

世人愛吉祥畫師工頌禱諧聲而取譽隱語冥冥造蝠鹿與蜂
猴戟磬及花鳥附會必含媚影射各呈巧到眼見貓蜨享意期
壽考下學芝輪困上覆松夭矯百泉曠達人亦復樂其狡彭殤
理本齊無壽亦無歿何者爲榮華何者是枯槁僊佛同一歿不
似似縹緲貓柔而貪殘蜨冶而輕慆捕鼠職未盡竊雞腹已飽
九坎寧必然五德則未少鼻冷但觸腥毛深竟藏蚤韓紀掇高
第辭翊作招討章惇心手辣義府咲顰好如此獲修齡不若付
速老蜨來吾語汝陵鳥汝克紹嶠螭汝同懷鴈掇汝所抱無知

爲有知此理亦難了或爲壞裙衣或爲敗麥州或因花幔穿或
逐菜籠繞魂歸與夢化壽骨恐難保貓非汝族類相耦別酉卯
我聞獨孤陀貓鬼祀淫媠汝蜨名鬼車服役等與阜然皆聚陰
幽不聞養生道又聞莊浪驛番貓鐵籠罩羣鼠伏籠外不事弄
背爪此則威可用庸中見佼佼鳳翔有義蜨弔客不可埽此亦
能好賢匪僅香色攬是兒貓不是畫師可能曉百泉喜博辨錯
鉉出江表貓事記若干竊幸說毋勦過江貓不捕搗此徒擾擾
不如學莊生一枕破煩惱

歐陽子歌

歐陽子習儒業讀儒書披褐飯麤糲資身少田廬仰窺天文俯
察地理出入太息行趨起噫吁嘻世人賤儒重方技舍生惡夙
求富貴富貴何自來不來自天來自地歐陽子咲而起曰茫茫

堪與理如是我其於此行我意乃持青鳥經乃著形家言出交
名卿大夫士愚者自愚賢者賢紛紛舞殯而歌墓紉中枯骨袁
公路餘慶餘殃孰所貽坐指南山得佳處歐陽子知天將福此
善人遂以善地藏其身奸雄腐骨永遺臭那有萬世千秋墳譬
之修身立命百無有乃欲鍊形服氣登天門吉凶順逆相互根
存者若歟歟者存歐陽子讀書秋樹下靜觀萬物理六合但有
氣與水中央大塊一拳耳或凹或凸作流峙土爲物母象母體
五官百骸筋脈聯形氣完全穴於此血肉歸土氣相感根本不
傷枝葉美吾謂君家崇公所葬亦偶然慎重人命世乃延天公
默與瀧阿阡不然爾生已後七百年安鍼定向者誰胡不傳

觀蘇州范氏所藏文正公在青州手寫伯夷頌小楷寄
西京制使蘇才翁舜元墨迹卷子時公六十三歲明年

魏于位卷中有秦檜題詩賈似道家藏印前幅則文潞
公富鄭公晏元獻程伊川四賢同時書後云

托興寫前文希賢寄知己堅持獨立心古人已如此縣腕見筋
骨引錐畫沙似垂老示勁力何怯眾人毀諸賢尚同朝懷哉數
君子遺墨歸齋孫清風被闔里惟演刪題名蔡京書黨比公道
存千秋姦賊自棄耳新法積禍亂南渡不可已世無中興碑顏
公幸先歿誰采西山薇文謝殿青史

秀州吳奠座主錢文端公二首

重來樂順小堂空不見消搖倚杖翁上壽尊羹開九秩清時師
傅比三公宰官身寂因緣盡文字恩深眷禮崇南顧爐霞罷
展和重勞

天淚洒詩筒

吟魂縹緲倚龍墀二十三年萬首詩疏傳閉身歸杖後鄴侯
仙骨住山時詞林典故耆英重老輩心源道力持一種祥和忠
厚意此情留與善人師

贈礪堂將軍六首

燕領熊身冠玉姿轅門風靜肅牙旗讀書志定承家後許國心
縣破虜時兩漢儒官多掌騎歷朝名將例能詩疎花滿徑聽鳴
鏑愛看將軍射戟支

馬革招魂古戰場先人守器綠沈槍史排忠義題家傳代有靈
威祀國殤鐵券功存方策字影纓世作羽林郎勳階上晉雲臺
像臣節如山紀太常

列棨門開細柳圍香凝燕寢篆霏霏書聲隔院傾餅水鶴步頭
廳舞雪衣曼錦成章心自織萬鈞迴筆臂能揮信陵賓榻平原

酒留佳詩人未許歸

子夜銀槎上客尊
瑯琊情語最銷魂
評來今古添愁緒
數徧英雄有淚痕
詩是繹翁高弟子
身爲藩部舊王孫
酒闌三復成都句
眞把心肝奉

至尊

爭看三十富平侯
夾道湘簾卷畫樓
珠勒馬迴花影動
玉鞭絲颺酒旗收
清才自可登壇坫
奇氣眞能飲櫜囊
說到川西笳鼓競
幾回鐙下按吳鉤

傀儡形模蟻蝨臣
昇平都是受恩人
眼中器量知無匹
局內擔持要此身
黑髮定應開幕府
朱顏終見畫麒麟
車前他日容長揖
慚愧書生握手親

登靈巖山

越嶺爭燒赤堊銅吳山大起館娃宮從來算氣須行樂但有騎
心已伏戎相國歿縣雙血淚大王生是一英雄蓮花便是西施
樣幾處橫塘野水空

響屧廊二首

寵到雙趺事亦新咲他褒姒尚猶人潘家蓮瓣楊家鞞總與西
施步後塵

不重雄封重豔情遺踪猶自慕傾城憐伊幾兩平生屐踏碎山
河是此聲

山塘曲二首

舞榭歌樓處處春溫柔鄉裏醉橫陳生來國俗耽游冶曾擲金
錢看美人

九曲珠闌七里塘四時花月護鴛鴦如何軟玉溫香國尚有梁

鴻對孟光

天平山謁范墳

范公唐相裔至宋久式微幼孤母他適父骨無憑依藁葬豈擇地聊免暴露悲貧苦立志節功澤旂常垂旣貴乃封樹華表雙崔巍世祿報賢臣德者福之基如何妄庸子侈說山川奇形家竊附會萬笏排參差天平勢榷牙石惡傷土稀戈戟雜虎豹積鐵舍凶威破軍列門戶望之心已危苟藏鄙夫骨殺戮慘禍隨指此爲吉穴發祥理難期誰造相翁經展轉節言詞地靈苟可盜天柄無從施天堂君子登小人敢倖幾謹告拜墓人勿爲俗論欺勉學文正學絕壑縣豐碑

義莊謁范文正祠堂

晏子位齊相祿及五百家衆庶待舉火厚給無吝嗟鄙夫但自

固田宅日有加惻隱心已死不復知其他苦人來嗚號耳寒饑
眼遮財貨遺兒孫敗蕩爭淫奢祖宗所充積散擲如泥沙再世
且乞丐逐臭同蠅蚋范公本天人君賜臣拜嘉萬物實共命臣
族多寒雅垂涕開義莊立法分等差迄今六百年世守無疵瑕
亦有吳文肅義莊立濰涯遺風足媲美海內共嗟呀瞻公端直
姿冠冕飛雲霞四子列左右繼美何其華歷歷載史冊具體同
其耶韓億抱盛德絳維亦騰挈惟賢乃育賢有若蓬生麻穢孫
嘆無後實自戕根芽可憐居積人貪毒如虺蛇

寒山別墅

巖巖范墳樹萬翠交蒼寒東嶺豁一竇未用填泥丸拾級度脊
隘巖宇飛寒山亂石疊奇獸雜樹頭鬢鬢轉仄再登躋臺榭花
竹攢徧尋千尺雪疑有飛空湍竟俯而得之石罅淙淙落礫

不盈丈此亦稱偉觀顧盼垂首去樓閣誠幽閒當時趙凡夫習
靜曾閉關名士如鮑魚豈少茂苑閒懷我素心人張舍人填孤鳳渺
羽翰

師子林

真山難屢游壘石爭作偽雖然具假相自然乃可貴幼聞師子
林談者等吳鱸采頤三十年欣喜能一至委巷扁板門云有寓
公寄始入看谿谷稍深盡其致架空虛腹腸曲折達胸胃如蟻
貫九珠如鬼探十地如蛇穴連墳如鼠穿列廁幸仰而上出仍
俯以側墜如逢車箱賊頭擊不得避如繩蜀道兵踵接不成次
離幽始愉快卽顯猶快慧返觀纍纍區區釘實無謂纖巧露襲
續略無渾成勢如讀危素文不免多詭氣未知妙云何萬物各
殊嗜韓嗤注蠱魚細小嫌瓌碎可憐磊落人失足蹈阱墜如摩

芥癩牛如把茨藜刺倪君爾寧迂變詐逞機智師子苟如斯墮
落非佛器學山害人慎勿勞一簣

滄浪亭

牆外一條水牆內數拳石何者爲滄浪愀然弔陳迹罷官買林
邱聊以適其適此亭豈不多都與空王宅中丞好事人標識到
疇昔退公借游覽文雅殊可惜面牆見遺像塵土冒冠幘替人
已如斯過眼真戲劇蜉蝣咲蝸廬但爲形所役

貝氏園

主人爲誰何瀟洒想胸次悠然遠塵俗美矣勞位置庭軒儒素
家花木山林致結構窈以深疎密皆有致涼臺帶煥館清曠含
幽意院落十餘區各自爲向背雜樹依喬林修篁掩嘉卉風廊
稱徙倚曲牖宜眠憩攜家許終老百事皆可棄淮南盛池館不

免繁華累吳人愛西山跋涉煩仰企何如此園佳負郭三里盤
心實足平生蓬瀛非我思

五十初度漫成四首

昨非今是豈其然轉境虛云後勝前一事無成由宿命百年過
半守吾天文章報國誰能稱菽水承歡亦可憐了徹彭殤齊得
喪壯心奇節等雲煙

宮窺已舊影婆娑未許山翁返薜蘿百戲魚龍鐙數點六朝花
月酒無多半生春夢人如此老圃秋容菊奈何卻喜男婚今歲
畢彩衣紅暎母顏酡

孩提迴省最愴神忽忽今成老大身永夜書鐙慈母淚清時燕
喜北堂人兒孫但解尋歡咲賓客何曾見苦辛五十行年一杯
酒暗中垂涕感茲辰

七旬華髮五旬兒但覺家貧仰母慈
賤日夫妻憐共命老來兄弟重
連枝情親繼繼觴同舉紗管周圍醉不辭
咲看重孫五雛鳳紅氍毹上拜參差

悼三女孫

掌中珠失計真窮揭鉢難勝鬼母工
舐犢牛似童牯健落巢雅歎伏雌空
一行棺掩苔茵碧三朵花埋繡襖紅
敢向高堂頻慰藉我身已作病梧桐

揚州二首

苦將絃管鬪繁華酒舫銜筵未有涯
算氣凝來開夜市南風吹去長瓊花
金剛穢迹分淫祀碧玉妝梳近小家
一段繁華暗回首綠楊淒繞舊隄斜

金鏤衣成唱曉風翩翩蝴蝶戀殘紅
頭低牛從雞戶外氣盡歌

兒舞女中馮婦下車誰解咲齊人上翁各稱雄年來數點隨身
淚酒向平山弔醉翁

李竹溪太守 棠 桃源圖

秦人未入桃花源花開花落無人傳一自秦人來住此繞屋桃
花都結子桃源只在世界中到者只有漁舟翁淵明作記當亦
寓言耳遂謂秦人與花俱不歿我疑大索十日不得張子房或
者先到花間藏儒生璽坑伏生老定與桃花同壽考此圖題者
豈不多半山歌後難爲歌誰將太守寫入柴門底漁弟樵兄共
歡喜試讀淵明歸去來乃知桃源卽栗里太守讀書循吏傳江
東嶺南經飽游勸農插花父老醉桑陰柳陌時句留太平之世
無僻土滿地桃花樂歌舞秦人子孫久已入版籍何處深山判
今古田家習苦亦可憐但求好官求豐年官好年豐花亦咲茅

屋處處皆神仙共治惟良二千石太守不宜頭戴笠秦人晉人
皆汝民我欲太守勿卜陶家鄰長與人開作好春

除日得袁實堂

澂方

詩和韻寄答二首

我從舍人觀君文窺豹之斑豈惟一十年胎息養丹砂氣厚神
閒銖稱鑑塵我入山猶未深廣陵散絕彈枯琴耳畔但聞倉鐵
鳥眼中未見垂天禽可憐紛紛逢救客俯首金仙求點石欲登
壇玷啓宗風已墮泥塗降標格銅山肯鑄詩老顏殖讐難除寒
士籍局外製手雙眉攢幾人解誦江都策明年歸去學樊須飽
倉芋魁煎土酥願君匪此百鍊寶海內豈遂無歐胡

文章今古不相襲各抱元珠守真一君能巨刃闢荆榛說經共
禮徒單鑑江海浩浩分淺深就中自鼓成連琴宣州老兵骨如
鐵啄粒肯跨揚州禽虛說當時玉堂客自許心同難轉石久焚

腰帶舊銀魚屢碎珊瑚新筆格靈山欲買老僧龕苦海愁翻衆
生籍已約洪崖作里鄰未煩詹尹端著策歲除攬鏡看眉須爭
差最後斟屠酥夢君黃海縮腳睡調息不噉存其胡

題劉力夫萬里尋親遺照

爾翁入獄我曠饋爾翁出塞我餽牽臣罪當誅罰止此七十豈
復期生還是時君家兄弟奉母歸井里問舍求田粗畢矣君弟
赴京翁已去馬蹶遂向都門止君聞椎心欲北征翁不爾愛爾
獨行平居見惡於此驗天稟懷安滅性非人情短衣疋馬投燕
薊哭乞符繻付關吏龍堆風力偃長城人馬沙中縮如蝟七盤
山險縈天梯十步一跌馬不嘶未知瘦骨死何所孝子哭叫天
爲低母南父北兒在此豈復知有子與妻遙憐兩弟擁鑪坐未
識何地爲烏魯木齊九外開關見翁而父子驚看須髮變屯營

列堠聽悲號一夜三軍淚如霰翁云爾弟不來爾乃來生子豈
論才不才將軍手酌孝子酒眼中如君不常有西夷來問君姓
名寫廬爭看劉服耕尋親絕域事太少新疆况入龍荒庭翁促
兒歸兒哭別邊城半染嗁鵲血歸來拜母母目瞑孝子身隨心
膽裂憐君歿後翁賜環兩弟安吉仍承懽峨湖山下孝子墓魂
魄猶懼邊風寒尋親萬里存圖畫留與兒孫牆壁挂有司未請
表門閭或云罪人之子難特書君不見山陰劉遂安代父戍雲
南父率子德不相掩明史記載幽光含吁嗟乎轉嶺斯圖成故
紙遺微可得傳閩史誰操南董筆如椽特誌鉛山劉孝子

光山樂府九章爲胡母甘淑人作

溫溫胡公春官侍郎賜杖縣車歸老于鄉三子兩婦相繼亡蘭
摧玉折公心傷

心傷奈何家婦是依曰甘夫人寸艸春暉公有副室夢蘭一枝
男子之祥熊與羆

翁四載無兒兒乃育兮兒四齡無母母誰鞠兮嫂上事翁兮下
撫叔兮叔四齡而孤兮嫂哀哀而哭兮

朝出負土翁纍纍夕入剪燈影離離叔不學嫂心悲周易函書
翁所遺舉以授叔從經師

叔學成矣叔可婚矣叔子生矣兄祀存矣叔旣官矣嫂心安矣
叔祿千石矣嫂頭白矣

光山人訴于官甘節婦守節三十年官上其事承

皇宣幾幾坊表光山邊節婦之心金石堅節婦之名日月懸

節婦死六載 覃恩大褒封叔秉臬於吳戚然憂見容陳詞請
賜贈血淚達 九重壬辰六月朝命從淑人淑人真禮宗

勝 誥章焚其黃墓木拱矣奠椒豚叔列五鼎嫂弗嘗叔也汝
惻心勞皇松栢蕭蕭碑碣香女貞樹接天蒼蒼
賢哉廉使一疏千古可以風天下昭茲來許傳寫萬本書萬部
稽首編之新樂府

投老

丁酉 按前此乙未丙申二年先生居憂故無詩也

齒髮將衰返故鄉敢因貧病說行藏謀生計拙初營粟投老家
成又絕糧一硯田荒難換石半樓書舊尚含香平生牆角鐙檠
在聊爲兒孫築講堂

移栢二首

喬柯老作無名氏古栢新稱入社人溜雨皮乾香在骨參天力
大鐵爲身移栽得地垂青蓋瀟灑如龍長細鱗八扇紗櫺半庭
月偷閒來與話前因

減卻南鄰小院陰。添來東牖綠沈沈。避檐枝側收雲淺。落蔭窗
虛宿雨深。闌迴正宜資掩護。樓高應不礙登臨。杯浮細葉卷花
實。我與松筠共此心。

次韻答周希甫有聲舍人

新詩語妙同迴波。挂壁切恐騰龍梭。光芒入手閃流電。十萬大
劍驚橫磨。舍人標格玉界尺。珥筆定侍金鑿坡。秋來老圃氣
蕭瑟。半塘淺碧收殘荷。水窗偶作文字飲。那有咲厯生紅渦。吾
儕服官重。始進惡沱祭。必先于河自排勁羽。刷霄漢。豈若百鳥
求虞羅。君家節義釀紳笏。天馬下視乘風馳。至哉才全德不露。
眼中誰及袁貽蛇。朝衫雖舊尚一著。敢託老病終雞窠。明年入
直聽臚唱。侍從妙選須陰何。看君艸制墨不凍。未要省吏擎豪

兒輩游西山移雙松來植院中戲成二十四韻

瞥眼三男子隨肩兩丈夫尊同後車載名與相人俱已抱千尋
勢纔森九尺軀鬚鬢頭並亂屈曲臂相扶在野龍交蟄過庭劍
共翹江雲藏葉在山翠拂枝無九地根初入三霄氣已蘇由來
多偃蹇只是太清癯謾謾方含籟鬚鬚故有須吟風聲尚細臥
月影全鋪鱗鬣休騰壁之而且向隅微塵寧觸礙廊淺足枝梧
我是支離叟歸眠爽塏區秦封官拓落丁夢事餅黏撫爾情眞
得借予道不孤七針分利鈍五粒自芳腴化石身原壽凝脂用
亦殊栢苓供服餌蘿蔦任榮枯離立郊依巒聯裾亮友瑜斧斤
天所赦樓閣古爲徒便有巖阿想堪爲伯仲呼畢宏如可作煩
寫後彫圖

題童二樹游鄧尉寫梅花長卷

山人去游香雪海鄉思花前不能待故國寒梅滿意中一斗隄
麋麀空酒將梅縮入鷺溪絹樹杪樹根皆不見中安半截都盧
撞斜檜一丈橫磨劔山人臂展古鐵條翹關扛鼎不動搖把筆
劃紙掣流電直掃橫掃鋒如刀圈葩點蕊撒珠顆頃刻花開千
萬朵僵枝但藉腕屈伸凍萼安容天放鑠山人畫梅海內傳見
梅如見山人顏雖然不得春風力自寫寒枝結古歡如何吮墨
傷遲算卷尾親題倦游句孤山老婦唱刀環不須去作梁園賦
時有中州之游故云

爲張惕菴前輩題東坡玉鼻驛券新刻拓本

史官作史史闕文大夫畜馬馬借人春秋晚季已難見東坡古
義今猶存贈馬還書券一紙遠慮拳拳故人子涪翁定值索高
價二十萬錢誰辨此方叔誕步應數奇福命不及章惇兒萬事

秋風吹馬耳塞翁得失徒嗟咨玉鼻之驕出天廐豈屑低頭計
芻豆儋州黃州等伏櫪汗血無期傷老煙人身馬齒無百年公
據勒石千秋傳錢家鐵券雲煙古蘓家馬券紙墨鮮蘇州也先
生出宰山水縣萬里滇黔疲馬徧相看都是玉堂人文章咲我
書驢券相如老去賦猶能歸去三山蹇 乘與人共做應無憾
晏子之裘凍不勝

賣牛圖歌爲兩峯作

田乾無處用牛力田家不忍殺牛食完糞要錢不要牛賣人不
及牛身值人牛餓死爭蚤遲且換死別爲生離牛別牛官不復
返全家哭送牛何之相依日久同留戀雖受鞭管牛不怨殺身
有補拌酬恩奈何只賣錢三貫皇天生牛任至勞餓鬼劫到不
可逃鬼神豈不惜牛命凶年棄去同秋豪菩薩心腸聖賢手畫

之咏之亦何有君不見安居骨肉每化離何況飢寒難共守

典牛歌

賣牛圖就延牛命富家忽下收牛令牛來便給典牛錢有錢來
贖牛便還長者之門萬牛託窮鳥投林水歸壑可憐殺戮得全
生牛僧耽耽不能奪天心轉處雨暘時農夫稱貸爭贖之離妻
歸室逐臣返再服犁耙游東菑一家典牛萬家嘆積穀如山不
肯糶寧將糜飯飼雞豚未許飢鴻乞粟稻吁嗟乎爾曹自作多
牛翁豈識銅山轉眼空從來水牯能成佛何苦輪迴牛角中

夢游古寺作

潑黛峯齊展翠屏諸天鐘定畫冥冥求齋鶴散虛堂靜行雨龍
歸碧洞腥客到咲尋磚增字僧閒偷誦石樓經憑欄忽動觀河
感門外春流不暫停

焚樓行

羅經甫名仁美歙人居江都繼娶龍游李前妻遺子六齡名阿
都十三齡女名宦姑繼妻皆撫之上以事老姑嗚呼李夫人生
女才一春牙牙紫乳哺復有八月身記得其年歲在酉揚州孤
軍不能守四月圍城旦夕破羅家繼妻樓下坐命婢菊花積薪
繞高樓上堂拜姑還自負喚夫來聽妾言我家婦女多城破難
盡全君力但可負母手攜子其餘未可纍纍牽似劉氏女宦姑
妾梅與李顏如花兵來豈堪爲兵孥若輩云何我志定僉曰惟
夫人是聽明日城崩西北隅夫人一呼眾聲應夫猶豫腳趑趄
子阿都牽孀裾孀曰事急矣擲子投其夫喚婢菊花急舉火婢
身入樓足在樞譁譁出出半天赤經甫負母攜子出樓中蹴踏
如鼓聲想見嬋娟焦爛急經甫出門去遇卒刃斫之二指墮地

母脫離阿都驚逸誰得知此時性命在呼吸羅家狗來齧卒衣
繞卒人立噉卒面卒與狗鬪主人竄母坐下雷塘阿都侍母旁
狗覓經甫牽衣裳導之見母兒心傷明日還家撥餘燼十三人
骨相假引樓前一足乃焚餘菊花左股看奚忍吁嗟乎西華門
上埋屍處卻是南唐公主墓此時梅花嶺畔葬衣冠烈婦忠臣
相指顧君不見廣儲門內樊園左中有宋姬堂下火青天白日
閃靈旗火裘蓮開十三朵

李約庵扁舟出峽圖

江流飛翦萬山裂劈破西川門戶缺楚客哀縣兩岸猿巴船命
符千堆雪蜀道之難古如此不許在人說生歎豪氣能平濫瀆
堆壯心欲壓岷峨壘太白復見生渝州四十五年天際頭朝辭
錦里莫彭澤別母省父行夷猶萬種傷心一條水孝子臨深嗟

轉徙馮夷不敢弄風濤長使平安到鄉里
畫來險絕况屢經千秋太平不用兵
相如龍傳父老檄劔閣未要才人銘
三年兩負山雲翠今載銘旌悲上峽
生入夔門父願虛歿同幽室孃心冷
他年出峽再之官叱馭迴鞭淚暗彈
堅持定力當夷險未可徒歌行路難

忠雅堂文集卷二十二